



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-623-4/23**
Datum: **21.05.2024. god**

«Agencija za vodno područje rijeke Save» Sarajevo rješavajući po zahtjevu korisnika-pravnog lica «KOVAN GROUP» d.o.o. Gračanica za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za površinsku zaštitu metala - galvanizacija metala metodom cinkovanja, lociranog u naselju Grabovac, grad Gračanica na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Korisniku - pravnom licu «KOVAN GROUP» d.o.o. Gračanica daje se vodna dozvola za ispuštanje tehnoloških otpadnih voda u prirodni recipijent sa lokaliteta pogona za površinsku zaštitu metala - galvanizacija metala metodom cinkovanja lociranog u naselju Grabovac, na zemljištu označenom kao k.č. broj: 1249/1, 1249/3 i 1249/4 K.O. Gračanica, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog pogona vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog pogona, za vrijeme trajanja ove dozvole, obezbjeđuje da se tehnološke otpadne vode nastale u postupku galvanizacije nesmetano sakupljaju i odvođe do objekta predviđenog za tretman otpadnih voda (postrojenje za tretman tehnoloških otpadnih voda), a zatim ovako tretirane vode ispuštaju, preko okna za monitoring, u obodni kanal saobraćajnice a potom u rijeku Spreču.
 - 2.3. Da korisnik predmetnog pogona, za vrijeme trajanja ove dozvole, obezbijedi da se sistem za prikupljanje i prečišćavanje tehnoloških otpadnih voda, instalirana oprema i objekti na lokalitetu pogona održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.4. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 28. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Objekte koji se koriste u svrhu prikupljanja, odvodnje i tretmana tehnoloških otpadnih voda nastalih u krugu pogona (kanalizaciona mreža, slivničke rešetke, taložni kanali, sabirne kade, spremnici, postrojenje za tretman tehnoloških otpadnih voda...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje i održavanje postrojenja za tretman tehnoloških otpadnih voda, taložnih kanala i spremnika te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz postrojenja za tretman otpadnih voda kao i preuzimanje drugog otpada.
 - 2.7. Sadržaj (mulj) iz postrojenja za tretman otpadnih voda i drugih objekata se ne smije ni privremeno odlagati na česticu «vodno dobro», odnosno u vodotoke i na njegove obale.

- 2.8. Osigurati da radom postrojenja za tretman otpadnih voda upravljaju obučeni radnici sa obezbijeđenim stalnim nadzorom rada postrojenja i instalirane opreme te da se sklopi ugovor o održavanju i kontroli funkcionalnosti postrojenja sa firmom ovlaštenom za ovu vrstu radova.
- 2.9. Da se obezbijedi siguran način skladištenja hemikalija koje se koriste u tehnološkom procesu površinske zaštite metala.
- 2.10. Da se u skladu sa propisima iz oblasti zaštite okoliša, vrši bezbjedno i redovno skupljanje opasnog otpada nastalog u postupku površinske zaštite metala kao i čvrstog opasnog i neopasnog otpada sa kompletnog kruga pogona (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode), isti propisno skladišti do njegovog konačnog zbrinjavanja od strane ovlaštene organizacije.
- 2.11. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.12. U slučaju kvara postrojenja za tretman tehnoloških otpadnih voda potrebno je djelovati po hitnoj proceduri i uputama datim od proizvođača opreme.
- 2.13. Remont postrojenja za tretman tehnoloških otpadnih voda provoditi od strane proizvođača opreme ili njegovog ovlaštenog predstavnika, u cilju preveniranja incidentnih zagađenja.
- 2.14. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.

10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica - korisnika objekta «KOVAN GROUP» d.o.o. Gračanica dana 27.12.2023. godine podnesen je ovaj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za površinsku zaštitu metala-galvanizacija metala metodom cinkovanja lociranog u naselju Grabovac na zemljištu označenom kao k.č. broj: 1249/1, 1249/3 i 1249/4 K.O. Gračanica, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 032-0-Reg-20-001029 izdatog dana 27.07.2020. godine od strane Općinskog suda u Tuzli,
- Ovjerena kopija Uvjerjenja o registraciji poreznog obveznika izdatog dana 04.08.2020. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-Upjr/1-4625-2/20 izdatog dana 10.09.2020. godine od strane Uprave za indirektno-neizravno oporezivanje Banja Luka,
- Kopija Rješenja o odobrenju za gradnju broj: 06-23-001650-2005-RM izdatog dana 01.11.2005. godine od strane Službe za prostorno uređenje, geodetske i imovinsko-pravne poslove Općina Gračanica (izdato za Karalić Said iz Gračanice),
- Kopija Rješenja o upotrebnoj dozvoli broj: 06-23-01475-2010 izdatog dana 25.04.2012. godine od strane Službe za prostorno uređenje, geodetske i imovinsko-pravne poslove Općina Gračanica (izdato za Karalić Said iz Gračanice),
- Kopija Obavijesti broj: 12/1-19-030265/21 izdate dana 15.12.2021. godine od strane Ministarstva prostornog uređenja i zaštite okolice Tuzlanskog kantona (objekt ne podliježe obavezi pribavljanja okolinske dozvole),
- Kopija Rješenja o vodnoj dozvoli broj: 04/-11-21-23655/21 izdatog dana 07.09.2021. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-031-10/21 izdatog dana 22.06.2021. godine od strane «Agencije za vodno područje rijeke Save» Sarajevo,
- Kopija Aneksa 2. Ugovora o zakupu poslovnog prostora sa zajedničkim prostorijama i zemljištem koje služi redovnoj upotrebi objekta od 16.10.2020. godine zaključenog dana 08.02.2023. godine između ZR «KOVAN» Gračanica vl Karalić Said i «KOVAN GROUP» d.o.o. Gračanica dir Karalić Esmira,
- Kopija Ugovora broj: 525-01/23 o skupljanju, skladištenju i zbrinjavanju opasnog otpada zaključenog dana 05.07.2023. godine sa «KEMEKO-BH» d.o.o. Lukavac,
- Glavni projekat sakupljanja, tretmana i ispuštanja tehnoloških otpadnih voda iz procesa galvanizacije metala metodom cinkovanja investitora «KOVAN GROUP» d.o.o. Gračanica urađen od strane «TQM» d.o.o. Lukavac (broj: 10-34/21, maj 2021. godine),
- Projekat izvedenog stanja sakupljanja, tretmana i ispuštanja tehnoloških otpadnih voda iz procesa galvanizacije metala metodom cinkovanja investitora «KOVAN GROUP» d.o.o. Gračanica urađen od strane «TQM» d.o.o. Lukavac (broj: 10-324, mart 2024. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22),

izvršen je obilazak predmetnog objekta u naselju Grabovac, grad Gračanica i tom prilikom je sačinjen Zapisnik o uviđaju broj: UP-1/21-3-40-623-3/24 od 04.04.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks pogona za površinsku zaštitu metala - galvanizacija metala metodom cinkovanja lociran je u naselju Grabovac, grad Gračanica. Kapacitet pogona je oko 200 tona metala/godišnje. Instalirano postrojenje za površinsku zaštitu metala postupkom elektrohemijskog cinkovanja i pasivizacijom cinkove prevlake (u bubnju i na vješalu) sastoji se od 18 kada dim 1500x1000x550mm. Tehnološke otpadne vode nastale u procesu galvanizacije (istrošeni koncentracije pri pražnjenju kada) odvođe se na tretman u postrojenje instalirano u podrumu objekta. Postrojenje za tretman tehnoloških otpadnih voda nastalih u postupku galvanizacije čine: spremnik za egalizaciju zapremine 10m³; fizičko hemijski reaktor (dim 1200x1600mm); sustav za doziranje hemikalija; spremnik za mulj zapremine 10m³; završni filter za poliranje; biološki uređaj (BP SBR 40 O/SN); elektro-upravljački ormar. Tehnološke otpadne vode nastale u procesu galvanizacije gravitacijskim putem se odvođe u spremnik za egalizaciju koji služi za prikupljanje, miješanje i homogenizaciju otpadnih voda odakle se šaržno prebacuju na daljnji tretman u fizičko-hemijski reaktor sa mješalicom. Tako prečišćene vode se preko filtera za poliranje dalje odvođe na tretman u anaerobni biološki prečištač sa aktivnim ugljem. Izdvojeni mulj se prebacuje u nadzemni spremnik za mulj do preuzimanja od strane ovlaštene institucije. Postrojenjem se upravlja pomoću SIMENS PLC-a i dodirnog zaslona.

Prečišćena voda se nakon tretmana, preko okna za monitoring ispušta u postojeći sistem kanalizacije kojim se oborinske vode sa platoa pogona prikupljaju i ispuštaju u obodni kanal magistralnog puta Tuzla – Dobo, a zatim u rijeku Spreču kao krajnji recipijent.

Snabdijevanje vodom za sanitarne i tehnološke potrebe je obezbijeđeno priključkom na gradski vodovodni sistem a ispuštanje sanitarno fekalnih voda se vrši u gradski kanalizacioni kolektor. Za predmetni kompleks je od strane Ministarstva poljoprivrede, šumarstva i vodoprivrede Tuzlanskog kantona izdato Rješenje o vodnoj dozvoli za korištenje vode i ispuštanje sanitarno-fekalnih voda.

Monitoring otpadnih voda se vrši redovno. Na uvid predloženi izvještaji o ispitivanju kvaliteta otpadnih voda za juli 2023. godine i maj 2024. godine (mjerno mjesto – neposredno nakon postrojenja ispred objekta a prije ispusta u obodni kanal magistralen saobraćajnice) urađeni od strane «TQM» d.o.o. Lukavac. Prema podacima iz dostavljenih Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke s) i cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «KOVAN GROUP» d.o.o. Gračanica, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za površinsku zaštitu metala u naselju Grabovac, grad Gračanica, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-623-2/23 od 05.02.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- «KOVAN GROUP» d.o.o. Gračanica
- Grabovac bb, 75320 Gračanica
- ⓪ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava